

燕

閒

四

適

蘇開四適卷之五

西甌孫丕顯編輯

潭陽王 基校正

基

原奕

皮日休

問奕之原於或人或人曰堯教丹朱征丹朱作爲是
信固有其道焉皮子曰夫奕之爲藝也彼謀旣失我
謀先之我智旣虧彼智乘之害也欲利其內必先攻
外欲取其遠必先攻近詐也勝之勢不城池而金湯
焉負之勢不兵甲而奔北焉勝不讓負負不讓勝爭

也存此免彼存彼失此如蘇秦之合縱陳軫之遊說
僞也若然者不害則敗不詐則亡不爭則失不僞則
亂是奕之必然也雖奕秋荐出必用吾言焉蓋常論
之碁之爲用初非人間之事始出於巴邛之橘穆王
之墓繼出於石室又見於商山乃仙家樂道養性之
具也造端托始於戰國之時若孫武鬼谷孫臏龐涓
蘇秦張儀輩各因戰鬪之法顯名當時是其模範想
像而托興於碁以敷其義故兵法十三篇碁經亦十
三篇其戰鬪場陣之旨不少差殊况碁之布置如兵
之先陣而待敵也碁之侵凌如兵之強弱未分形勢

鼎峙也。慕之用戰如兵之對，雖端重而全形勝也。慕之取舍如兵之轉戰之後，取舍不明，患將及矣。夫權輿合戰，虛實自知，審局度情，或奇或正，皆體其常而生其變也。至若有無相生，遠近相成，強弱相刑，利害相傾，非精於戰鬪者，又豈能纖悉以備其情哉？以是而觀此誠戰國之諸君子，取仙家消磨歲月之物，而與夫戰陣之義也，詎不然歟。

奕品 奕問

王元美

博物志云：堯造圍碁，丹朱善之。彼王中郎之坐隱，支道人之手談，雅語也。尹文子之喻音，劉中壘之兵法

正語也杜夫子之裨聖教班蘭臺之象地則效天文
通王道夸語也蓋孔子之謂賢賢於飽食終日者而
已所謂小道可觀致遠恐泥者也乃若奕之有品故
自劉宋盛於秦始至宰相論評人主制決噫亦盛矣
吾請得爲時養略言之昔孟氏有言奕秋通國之善
奕者也又杜夫子在西京爲天下第一而吳錄稱嚴
子卿基與皇象書趙達數爲吳中八絕又抱朴子云
嚴子卿馬緩明聖於基者也然則四人者其最上品
乎當漢末有馮翊山子道王九真郭豐善奕曹太叔
皆與爭能孟德旣未琅然諸君復遇敵手殆難乎上

者矣晉氏之季吾宗敬豫與濟陽江寔俱爲中興第一竊謂士大夫之第一猶之王僧虔之稱齊高帝書云爾而是時北燕羅騰字叔龍者究盡其妙獨步當時俄而北平樂叔字少勇者出而與齊要之其猶在敬豫與寔上哉宋文旣好此伎而羊玄保以賭得宣城郡士林艷之然其品第三不知誰當爲第一者吳郡褚胤七歲入高品及長冠絕當時坐從父崇期反累死何尚之特以絕藝爲請不得胤不死意者其胤乎湘東素亦偏嗜等於鯀鯁然爲品甚拙而受識甚闇是時用建安王休仁爲圍碁大中正品彭城王抗

第一會稽褚思莊夏赤松次之抗神速思莊巧遲抗取勢赤松闔子此所以小異也然是時魏有范甯兒偕使者李彪來一戰而勝王抗甯兒亦第一品也梁武帝素工奕奕在能品用湘東例命到溉朱异司其凡而沈約爲之序大抵宋之徐羨之羊玄保何尚之齊之蕭暕子良柳世隆暉及溉异輩亦僅士大夫錚錚者耳唐之奕以開元王積薪爲第一然所謂孤山老姥婦姑者當遠據其上又有待詔滑能品最高至爲上帝所取顧師言者不甚著記謂其在大中初行于至三十三著勝神頭國王一曰日本國王第所謂

鍾神頭勢今尚在然則能與思言亦第一品也宋興
繼積新而品高者爲江右劉仲甫積薪之時有李慙
角仲甫時有王慙子角然李慙見輕而王慙見忌最
後三衢祝不疑高仲甫一道許河東晉士明高仲甫
兩道許而劉氏之袒廢矣 明興江陰相子先稱國
手勒人樓得達勝之又有一游僧亦勝之正德中宰
撫之地如李文正東陽楊文襄一清喬莊簡宇諸公
皆好奕而四明范洪重洪之後永嘉鮑一中重鮑生
晚不及與洪角而格勝之文襄呼爲鮑小友延譽江
淮間而其郡李冲晚出遂與鮑雁行周源又晚出於

李徐希聖又曉出於周惜早死皆駸駸角鮑者也此所謂永嘉派也婺汪曙不及鮑者一子程汝亮晚出勝之而亦蚤死此所謂徽派也顏倫善決局不差一道足跡徧天下無能當者而李奎時養晚出遂與之角倫護名不復肯應乃遊吳中此所謂京師派也今後進中閩有陳生蔡生越有岑生揚有方生鼎立而蔡與岑尤張甚皆未可量也始永嘉守修郡志志侵藝曰鮑一中奕品第一李冲次之冲意不樂遂罷不復志而最後冲且老矣與時養戰大敗數避匿程汝亮之遇時養一再北遂爲勁敵云至子曰余少時觀

鮑生奕不能悉其妙第見其批亢濤虛無衡陣耳後
所覩顏倫子明最後乃覩李與程勁爲忘寢食者數
矣譬之用兵鮑如淮陰侯有搏沙之巧李則武安君
橫壓卵之威顏則孫吳挾必勝之筭程則諸葛修不
破之法雖奇正時出攻守異勢要之皆稱善師者矣
余嘗戲李以李廣程以程不識程猶未肯色受也然
李時時爲余言未嘗不遜顏以爲有國士風余因作
奕旨手書一通貽時養謂與顏鮑而程四子者不知
於古何如以當 明第一品無愧也

余旣與李時養論奕歸而臆數其人與品手書貽之

乃其事有奇而未可據者因再疏一通爲奕問俟後
博考傳記毋妨再續也問段柯古所載鳩摩羅什爲
人突起子空處皆作龍鳳形信乎曰其人奕品下至
八九道或可誘而成耳不然什公亦姑幻障人耳目
無是理也問顧思言三十三着而勝神頭王信乎曰
一說日本王也奕至三十三着而決勝所謂通神者
也其猶在坐照上乎師言於品不登第一而攷之史
古未有神頭國而日本王由來不入朝將無好事者
爲此勢以附會其說乎未可必也問孤山老姥之說
信乎曰或有之然非積薪之自爲神也好事者假神

而抑積薪之語也所謂指示以攻守刼殺之方其略
曰是子可教以常勢耳其抑積薪可見也問一行於
張燕公宅見積薪奕遂與之爲敵且曰念貧道西句
乘除語人人盡爲國手信乎曰有之一行神於數者
也神於數則可以觸類其曰四語乘除人人國手非
也問陸子靜一悟河圖數而勝國手信乎曰其徒假
一行事而神其師之語也子靜奕品甚下今不覩其
遺文若葛藤而胡以能悟也問范甯兒之勝王抗信
乎曰有之抗重而甯微也甯兒以有心待抗而抗以
無心待甯兒猶之乎司馬仲達之於孔明也且此一

局耳未可定也問滑能之事信乎曰能暴死耳奕者之神其說也是天人者勝能而何又假能也問王質爛柯之說信乎曰不然也堯至今三千六百年耳度不能十局也則爲神仙者曷壽焉問劉仲甫之高王積薪兩道也祝不疑之高仲甫一道也晉士明之高仲甫兩道也信乎曰果爾則積薪而上有四道矣仲甫之高積薪也其持論也自爲高者也不疑士明之高仲甫也乘瑕者也二子用壯而仲甫用衰也問王餐陸瓊之覆局信乎高品哉曰惟仲甫與顏倫亦能之此善記者也非與於品者也問孟堅之有旨也應

璩之有勢也馬融曹攄王粲劉恢蔡洪梁宣之有賦也李尤之有銘也高品哉曰唯永嘉林生有集焉而品第五也此工於文者也非與於品者也問吾子何如曰猶之乎數子而已

碁經

張擬

傳曰不有博奕者乎爲之猶賢乎已桓譚新論曰世有圍碁之戲或言是兵法之類上者張置疏遠以會圍困而成得道之勝中者則務相絕遮要以爭便求利故勝負狐疑須計數以定下者則守邊隅趨作畧路以自生於小地春秋而下代有其人然則奕碁之

道從來尚矣今取勝敗之要分十三篇有與兵法合者亦附于中云爾

論局篇第一

夫萬物之數從一而起局之路三百六十有一一者生數之主據其極而運四方也三百六十以象周天之數分爲四隅以象四時隅各九十路以象其日外周七十二路以象其候夫碁三百六十黑白相半以法陰陽局之線道謂之枰線道之間謂之罅局方而靜碁圓而動自古及今奕者無同局傳曰日日新故宜用意深而存慮精以求其勝負之由則至其所未

至矣

得筭篇第二

某者以正合其勢以權制其敵故計定於內而勢成於外戰未合而筭勝者得筭多也筭不勝者得筭少也戰已合而不知勝負者無筭也兵法曰多筭勝少筭不勝而況于無筭乎由此觀之勝負見矣

權輿篇第三

權輿者變某布置務守綱格先於四隅分定勢子然後拆二斜飛下勢子一等立二可以拆三立三可以拆四與勢子相望可以拆五近不必比遠不必垂此

皆古人之論後學之規舍此改作未之或知書曰事
不師古無以克永世又曰慎厥初惟厥終

合戰篇第四

博奕之道貴乎謹嚴高者在腹下者在邊中者占角
此碁家之常然法曰寧輸數子勿失一先有先而後
有後而先擊左則視右攻後則瞻前兩生勿斷俱活
勿連濶不可太疏密不可太蹙與其戀子而求生不
若棄之而取勢與其無事而強行不若因之而自補
彼衆我寡先謀其生我衆彼寡務張其勢善勝者不
爭善陳者不戰善戰者不敗善敗者不亂夫碁始以

正合終以奇勝必也四顧其地牢不可破方可出人
不意掩人不備凡敵無事而自補者有侵絕之意也
棄小而不救者有圖大之心也隨手而下者無謀之
人也不思而應者取敗之道也詩云惴惴小心如臨
于谷

虛實篇第五

夫基緒多則勢分勢分則難救救基勿逼逼則使彼
實而我虛虛則易攻實則難破臨時變通宜用執一
傳曰見可而進知難而退又曰執中無權猶執一也

自知篇第六

夫智者見於未萌愚者暗於成事故知己之害而圖
彼之利者勝知可以戰不可以戰者勝識衆寡之用
者勝以虞待不虞者勝以逸待勞者勝不戰而屈人
者勝老子曰自知者明

審局篇第七

夫碁布勢務相接連自始至終着着求先臨局交爭
雌雄未決毫釐不可以差焉局勢已贏專精求生局
勢已弱銳意侵綽沿邊而走雖得其生者敗弱而不
伏者愈屈躁而求勝者多敗兩勢相圍先蹙其外勢
孤援寡則勿走機危陣潰則勿下是故碁有不走之

走不下之下誤人者多方成功者一路而已能審局者則多勝矣易曰窮則變變則通通則久

度情篇第八

人生而靜其情難見感物而動然後可辯推之於基勝敗可得而先驗法曰夫持重而廉者多得輕易而貪者多喪不爭而自保者多勝務殺而不顧者多敗因敗而思者其勢進戰勝而驕者其勢退求已弊而不求人之弊者益攻其敵而不知敵之攻已者損目凝一局者其思周心役他事者其慮散行遠而正者吉機淺而詐者凶能自畏敵者強謂人莫已若者亡

意傍通者高心執一者卑語默有常使敵難量動靜
無度招人所惡詩云他人有心予忖度之

斜正篇第九

或曰綦以變詐爲務刼殺爲名豈非詭道耶予曰不
然易曰師出以律否臧凶兵本不尚詐謀言詭道者
乃戰國縱橫之說綦雖小道實與兵合故綦之品甚
繁而奕之者不一得品之下者舉無思慮動則變詐
或用手以影其勢或發言以泄其機得品之上者則
異於是皆沉思而遠慮因形而用權神遊局內意在
子先圖勝於無朕戒行於未然豈假言詞喋喋手勢

翩翩哉傳曰正而不譎此之謂也

動微篇第十

凡基有益之而損者有損之而益者有侵而利者有
侵而害者有宜左投者有宜右投者有先着者有後
着者有緊辟者有慢行者粘子勿先棄子思後有始
近而終遠者有始少而終多者欲強外先攻內欲實
東先擊西路虛而無眼則先覷無害於他基則做劫
饒路則宜疏受路則勿戰擇地而侵無礙則進此皆
基家之幽微不可不知也易曰非天下之至精其孰
能與於此

名數篇第十一

夫奕者凡下一子皆有定名碁之形勢死生存亡因
名而可見有衝有幹有綽有約有飛有關有劄有粘
有頂有尖有覷有門有打有斷有行有立有捺有點
有聚有蹺有夾有撥音雜有辟音葉有刺音七有勒有撲有
征有劫有持有殺有鬆有盤用碁之名三十有二圍
碁之人意在萬周臨局變化遠近縱橫我不得而前
知也用行取勝難逃此名傳曰必也正名乎其奕之
謂歟

品格篇第十二

夫圍碁之品有九一曰入神二曰坐照三曰具體四曰通幽五曰用智六曰小巧七曰鬪力八曰若愚九曰守拙九品之外不可勝計未能入格今不復云傳曰生而知之者上也學而知之者次也因而學之又其次也

雜說篇第十三

夫碁邊不如角角不如腹約輕於捺捺輕於僻夾有虛實打有情僞逢綽多約遇援多粘大眼可贏小眼斜行不如正行兩關對直則先覷前途有礙則勿征施行未成不可先動角盤曲四局終乃亡直四板六

皆是活碁花聚透點多無生路花六聚七終非吉祥
十字不可先紐勢子在心勿打角圖奕不欲數數則
怠怠則不精奕不欲疏疏則忘忘則多失勝不言敗
不語振廉讓之風者君子也起忿怒之色者小人也
高者無亢卑者無怯氣和而韻舒者喜其將勝也心
動而色變者憂其將敗也赧莫赧於易恥莫恥於盜
妙莫妙於用鬆昏莫昏於覆劫凡碁直行三則敗方
聚四則非勝而路多名曰羸局敗而無路名曰輸籌
皆籌爲溢停路爲芾音綿相當也兩家不勝不敗故名芾打籌不得過
三淘子不限其數却有金井轆轤有無休之勢有交

遁之圍奕碁者不可不知也凡碁有敵手有半先有先兩有桃花五有北斗七夫碁有無之相生遠近之相成強弱之相刑利害之相傾不可不察也是以安而不泰存而不驕安而泰則危存而驕則亡易曰君子安而不忘危存而不忘亡

碁法四篇

劉仲甫

一曰布置

蓋布置碁之先務如兵之先陣而待敵也意在疎密得中形勢不屈遠近足以相援先後可以相符若入他境或於六三三六下子及九三十三之着斯不執

一進退合宜訣曰遠不可太疎疎則易斷近不可太促促則勢羸用意在人此乃爲格

二曰侵陵

夫基路無必成子無必殺乘機制變不可豫圖且布置已定則強弱未分形勢鼎峙然後侵陵之法得以行乎其間必使應援相接勾落相連多方以擁逼迤邐而侵襲侵襲若行則彼路不得不促擁逼漸急則彼勢不得不羸俟乎忿而先動則視敵而索其情觀動則制乎變此之謂善奕者也

三曰用戰

用戰之法非基要道也不得已而用之則務在庶謹以守封疆端重而全形勢封疆善守則在我者實矣形勢能全則在我者逸矣夫以實擊虛以逸待勞則攻必勝戰必克矣

四曰取舍

取舍者基之大計轉戰之後孤基隔絕取舍不明患將及矣蓋施行決勝謂之取棄子取勢謂之舍若內足以豫奇謀外足以隆行勢縱之則莫禦守之則莫攻如是之基雖少可取而保之若內無所圖外無所援出之則愈窮而徒益彼之勢守之則愈困而徒壯

彼之威如是之碁雖多可舍而委之碁者意同於用
兵故叙此四篇粗合孫吳之法古人所謂怯敵則運
計乘虛沉謀默戰於方寸之間解難排紛於頃刻之
際動靜迭居莫測奇正不以猶豫而害成功不以小
利而妨遠畧此非淺見諛聞者能議其髣髴耳

圍碁十訣

一不得貪勝二入界宜緩三攻彼顧我四棄子爭先
五捨小就大六逢危須棄七慎勿輕速八動須相應
九彼強自保十勢孤取和

圍碁三十二字釋義

立 歷也沿邊而下子曰立恐彼子有往來相衝之

患也

行 行也連子而下曰行使有粘連不斷之緒也

飛 走也隔一路而斜走曰飛小飛拆一大飛拆二

使子有遠粘不斷之貌

尖 簽也兩路斜簽而下子曰尖蓋易粘而難斷也

粘 連也彼欲以子斷之我即以子連之故曰粘

幹 問也謂以子問之曰幹

綽 侵也以我子斜侵彼子之路而欲出之曰綽

約 攔也以彼子斜攔我子之頭而反閉之曰約

關隘也兩子隔一路對立者謂之關有單關雙關

之名

衝突也直連子而入關謂之衝

覷視也有可斷而不斷先以子視之曰覷

毅提也碁死而結局曰毅既毅而隨手毅曰復毅

俗又謂之提今集中但以提字音之微易曉耳

劄札也有若兩虎口相對者夾而札之使有復毅

頂撞也我彼之子同路而直撞之之謂頂

捺按也以子按其頭曰捺自上而按下也

蹺翹也我彼之子皆相倚聯行而我子居下勢不

能張而欲先取其勢則以我子斜出一路而拂
彼子之頭若翹首之狀也經曰寧輸數子弗失
一先正此意也

門 閉也閉之使不得出曰門隔一路曰小門二路
曰大門

斷 段也段之而爲二曰斷

打 擊也謂擊其節曰打連打數子曰趕

點 破也深入而破其眼曰點旁通其子曰透點

征 殺也兩邊逐之殺之而不止曰征

辟 截也謂以我子截住彼之頭緒次着斷也使之

急曰僻

聚 集也凡碁有未全眼者則反聚而點之有聚三聚四花聚五聚六之類

劫 奪也先投子曰拋後應子曰劫乃有實東擊西棄小圖大之功也

拶 逼也以子促而逼之曰拶

撲 投也以我子投彼穴中使其急救曰撲所以促其着也

勒 束也使其無眼曰勒與劓刺之義小異耳

刺 刺也連子而直入曰刺若戈戟之傷物此亦使

之無全眼也

夾甲也兩子夾一子曰實夾兩子自夾曰虛夾
盤蟠也兩碁隔絕而欲連之沿邊而度子曰盤
慢也碁家取其玲瓏透空疎而不漏之謂也
持和也兩碁相圍而皆不死不活曰持有兩碁皆
無眼者有兩碁各有劫者有各一眼活者有彼
碁兩段各一眼而我碁一段無眼間其中而俱
活者蓋取其鵲蚌相持之義故曰持

王局
鈞玄

五卷終

燕閒四適卷之六

碁

○六三起手類

起好手五變

穿心角四變

入神圖一變

小角圖三變

釣竿勢四變

倚蓋勢四變

斜飛角四變

棋盤角九變

連環角二變

玲瓏布置二變

兩關邊二變

急觀角二變

賈玄勢二變

晉士明圖二變

立仁角四變

背綽角四變

大角圖十變

金井欄六變

大壓梁六變

鎮神頭六變

倒垂蓮十二變

勝角勢六變

葫蘆套一變

金剪子一變

守城五變

定光圖一變

黃保破角圖一變


六三起好手類

起好手

黑勝


廿妙

廿八妙




二變

白劫勝九妙



三變


白若七二粘而恋子則勢分受制不若與局十三着之安重也



四變

兩分二十八妙 三十四妙


二十八着內而自守三十着外而得勢可法




三變

白勝

廿三妙 白二十二着殺角又能自活可法黑三十
廿七妙 四着大逼不若四變退讓一路守角之妙



四變 兩分黑二十四着守角妙



穿心角


白勝黑三百受敵未急河此失彼經

云緒多則勢分勢分則難救

二變

黑勝白十七着

之失致敗




三變

白劫勝


五十同廿八

五三同廿三



四變

白勝



背綽角

白勝


十三妙
廿七妙
廿九妙

十六妙
廿九妙

二變

黑勝

十八妙
自十三着侵
腹太早致敗



三變


兩分十七妙十九妙廿九妙卅三妙

此變過二變遠矣可法

四變

白勝十五妙


廿妙極



入神圖

白勝十九妙極
廿八同十三

黑十着在三四立下得失未分因
苦殺致敗白廿三着二六立下不放
黑渡角亦得矣今棄子取勢可法




大角圖兩分

此局變法甚繁以士起
變次序詳之勝負見矣


二變

白勝廿二同十三廿六同廿七
黑廿八五七斷白勝負未分



三變


黑勝二十四着緊捺甚方白十五着不當粘而粘二十五着又當
自活黑必粘角白再斷黑不為遲白因斷早遂成四沒入觀者宜詳味之



四變

白勝

黑十八着在二五上廿六着亦在二五上打白子則角不能保矣




五變

白勝 四七妙


廿六同子
廿七同子
廿九同子

廿八着有變



六變

白勝




七變

七着乃換勢法也


八變

黑勝黑十着先在三五
以致勝也廿八妙




九變

黑勝
六着守角妙




十變

黑勝十六妙此二變六着守角之法妙




小角圖 黑棄取勢

二變 兩分



三變

兩分
白得勢
黑因十二着不打不及上變
得勢差之毫厘勝負分矣




金井欄

白勝先後有序可
謂入彀者矣


二變

兩分廿四同其九黑雖不
能捉白亦分為數局
未免得與失彼




三變 黑勝

白子意專取角黑六着之應最正白七着若頂在四五上則為初敵今七着太逼致敗



四變 白勝十五妙




五變 白勝

六變

兩分
白得勢


黑三十二着不做眼即為脫骨雖云兩分實失
勢矣以局數變皆不若三變六着之應最正



釣竿勢

白勢勝


三十三妙
二十六貪



二變

黑勝十二妙

二十自顧妙




二

三變

兩分

自十九着貪行遂成
千金墜也當以為戒




四變

白勝 四二同卅八 四三同卅八

白玄妙莫測者七皆優廿三
妙若二五立下則受征矣


四八同廿四

妙若二五立下則受征矣



大壓梁


白勝 廿四同十九



二變

白勝


廿七妙 廿九妙



三變

兩持
九同三

黑廿二妙白廿三不若此應敗矣




四變

白勝

十九妙


廿五妙



五變

白勝廿五妙 黑十八自宜活角縱白遑

去勝負未分因貪反敗




六變

白勝十五妙 十七妙甚 廿七同十五

十四貪

廿八同廿一

三十同十五




倚蓋勢

白勝十二妙 廿妙 黑廿八逼而致敗若在四

廿五妙

九上讓白得活成兩分矣




三變

黑勝

廿六妙
廿八妙


廿二同十二
廿三同十六

廿五同十二




四變黑勝 倚蓋勢而分者多此局

白拙於七而
黑巧於十四也




鎮神頭

黑勝 六妙 十妙



二變 兩分 十八着得爭先之法



三變

白勝

廿一妙


卅一妙

此局至四十二着白子兩受征

四十三着轉敗為功妙甚




四變 黑勝四十妙 四六妙 廿九弱




十

五變黑勝四六妙



六變

兩分十六妙




斜飛角

兩分十妙
十六妙

二變

兩分十一妙
十五妙



三變


白勝卅三妙

四變

黑勝

白十七該在

三四上顧角




倒垂蓮

白勝十三妙十五妙
黑六着不宜打
白九着應得正


二變

白勝十五妙
十四在三四五則兩分




三變

白勝十七妙
廿一妙




四變

白勝廿五妙
廿九妙 卅四同廿一




五變

黑勝十八妙二十妙



七變

白勝廿一妙 十二弱三十同廿八卅一同廿六
卅五妙甚




八變

黑勝

十二妙
廿八妙
廿四妙
三十妙


廿七同廿二
廿六同廿四



九變


白勝

廿七妙卅一妙二十弱



十變


黑勝二十妙廿四妙




十一變

自勝


卅三妙 卅五妙 卅七妙 黑十二弱



十二變 黑勝 十八鬆妙 十五弱




十三變 黑勝 六巧 廿八妙 卅同 廿八 卅七 同 卅二



捲簾邊

白勝廿二妙六着之候此勢最忌經云有侵而害




二變

白滑勢


廿一同十三

廿六同十七

廿八同十三




三變白勝




四變

自勝十五妙十七妙黑廿看貪戰反失已成之
 廿七妙角經云貪殺不顧者多敗



六變 白勝 十三妙 十七妙




七變

白勝

廿六同廿一卅二同八


白棄子取勢得且



九變

兩分


以上數變黑因落套非敗則失勢矣此變棄子則勢不失且法



勝角勢

白勝


十五妙 十七妙 廿七妙
三十同十五



二變

白勝

廿九妙 卅九妙 五一妙
卅六同十五



三變


白勝

廿一妙

廿太逼


卅一同下九卅二同廿七

卅四同十九




四變 黑盡子取勢 十六妙 二十妙

十九太逼



五變 自勝 十三妙




六變

黑勝

廿四同十六 廿五同二十 廿七同十六 十妙十八妙

此勢數變布子兼侵分自有次序不可不謹於始也



連環角

黑勝

十四妙十六妙

廿同十六


廿三同十四

二變

黑勝

廿六妙


廿三同廿



葫蘆套

白勝

四五同十七 四六同七 廿七妙 四二妙
黑廿二在五六上打白為兩分矣今恋子而敗



玲瓏布置


白勝七侵

十侵太早

二變

黑勝

十八妙




兩關邊

白劫勝 四五同廿五
 廿七妙 廿七妙
 廿五妙


二變

白勝 廿三妙 廿七妙
 廿一妙 廿三妙



守城


又名渡鉄網
白取勢九妙



北

二變


白勝 十九同十一 廿二同十
廿五同十一




三變

白勝 十一妙 十五妙

廿二同十五



四變 白勝
九妙 十一妙




五變

白勝

此勢數變黑

皆中套耳




急觀角

黑勝十妙
廿七同廿二


二變

白勝
廿七妙



黃保破角圖

白勝



賈玄執力

白勝

廿四同十九


十九妙廿二妙

二變

白勝


十八同十三

廿二妙廿三妙



定光圖


白勝
七妙
九妙



晋士明圖

白取勢

四七同廿四



二变

白取势

